

სახელმწიფო შესყიდვის შესახებ

ქ. თბილისი

2022 წ.

ჩვენ, ქვემოთ ხელის მომწერნი, ერთის მხრივ, საქართველოს საგარეო საქმეთა სამინისტრო (შემდგომში - შემსყიდველი ორგანიზაცია), წარმოდგენილი მინისტრის მოადგილის ვლადიმერ კონსტანტინიდის სახით და მეორეს მხრივ, შპს „ტელკო სისტემს“ წარმოდგენილი მისი დირექტორის ირაკლი გულიაშვილის სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანია საქონლის (შემდგომში - შესყიდვის ობიექტი) შესყიდვა, „სახელმწიფო შესყიდვების შესახებ“ საქართველოს კანონის შესაბამისად, ელექტრონული ტენდერის (სატენდერო განცხადების ნომერი **NAT220009824**) საშუალებით.

1.2 შესყიდვის ობიექტს წარმოადგენს ტელეფონის აპარატები კვების ბლოკთან ერთად (კლასიფიკატორის (CPV) კოდი/დასახელება - **32552100** / ტელეფონის აპარატები) მიწოდება, შემსყიდველის სატენდერო დოკუმენტაციის და მიმწოდებლის სატენდერო წინადადების ტექნიკური დავალების საფუძველზე, რომლებიც წარმოადგენენ ხელშეკრულების განუყოფელ ნაწილს.

2. შესყიდვის ობიექტის ღირებულება

2.1 შესყიდვის ობიექტის ღირებულება შეადგენს **9 460** (ცხრა ათას ოთხას სამოცი) ლარს საქართველოს მოქმედი კანონმდებლობით დადგენილი გადასახადების, ტრანსპორტირების ხარჯის გათვალისწინებით, დღგ-ს ჩათვლით.

2.2 ერთეული საქონლის ღირებულება მოცემულია ფასების ცხრილში (დანართი N1), რომელიც წარმოადგენს ხელშეკრულების განუყოფელ ნაწილს.

3. შესყიდვის ობიექტის მიწოდების ვადები და ადგილი

3.1 შესყიდვის ობიექტის მიწოდება განხორციელდება ხელშეკრულების გაფორმებიდან **45 კალენდარული დღის** განმავლობაში.

3.2 შესყიდვის ობიექტის მიწოდების ადგილია საგარეო საქმეთა სამინისტრო, ქ. თბილისი, შიო ჩიტაძის ქ.4

4. შესყიდვის ობიექტის მიღება-ჩაბარების წესი

4.1 შესყიდვის ობიექტი ჩაითვლება მიღებულად შესყიდვის ობიექტის ფაქტობრივი მიწოდებისა და შემსყიდველის მხრიდან ინსპექტირების განმახორციელებელი პირ(ებ)ის და მიმწოდებლის მხრიდან უფლებამოსილი პირის მიერ ხელმოწერით დადასტურებული შესაბამისი მიღება-ჩაბარების აქტის გაფორმების შემდეგ.

4.2. თუ მიღება-ჩაბარების აქტი უნდა გაფორმდეს განსაზღვრულ დღეს და ეს დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება ვადის გადაცილებად.

5. ანგარიშსწორების ფორმა, ვადა და ადგილი

5.1. მიმწოდებელთან ანგარიშსწორება განხორციელდება ეროვნულ ვალუტაში (ლარი), „საქართველოს 2022 წლის სახელმწიფო ბიუჯეტის შესახებ“ საქართველოს კანონით გათვალისწინებული ასიგნებების ფარგლებში. მიმწოდებელს შესყიდვის ობიექტის ღირებულება აუნაზღაურდება უნაღდო ანგარიშსწორებით, საქონლის მიწოდების შემდეგ, თუ მიმწოდებელი დღგ-ს გადამხდელია, საგადასახადო ანგარიშ-ფაქტურის, ხოლო თუ მიმწოდებელი არ არის დღგ-ს გადამხდელი,

შემოსავლების სამსახურიდან წარმოდგენილი შესაბამისი ცნობის საფუძველზე, მიღება-ჩაბარების აქტის გაფორმებიდან **10 სამუშაო დღეში**.

5.2. მიმწოდებლისთვის შესყიდვის ობიექტთან დაკავშირებული ვალდებულების შესრულების ვადის გადაცილების გამო პირგასამტეხლოს დაკისრების შემთხვევაში 5.1 პუნქტით ანგარისწორებისთვის გათვალისწინებული ვადის ათვლა დაიწყება დაკისრებული პირგასამტეხლოს გადახდის და აღნიშნულის დამადასტურებელი ქვითრის შემსყიდველ ორგანიზაციაში წარმოდგენის შემდეგ.

6. მხარეთა უფლება-მოვალეობანი

6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.

6.2. შემსყიდველი ორგანიზაცია ვალდებულია:

6.2.1. ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება.

6.3. შემსყიდველ ორგანიზაციას უფლება აქვს:

6.3.1. განახორციელოს კონტროლი მიმწოდებლის მიერ ხელშეკრულებით ნაკისრი ვალდებულებების შესრულებაზე;

6.3.2. მოსთხოვოს მიმწოდებელს მიწოდებული შესყიდვის ობიექტის კონტროლის შედეგად გამოვლენილი დეფექტების აღმოფხვრა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.

6.4. მიმწოდებელი ვალდებულია:

6.4.1. ხელშეკრულების გაფორმებიდან **45 კალენდარული დღის** განმავლობაში მოახდინოს ხელშეკრულებით გათვალისწინებული შესყიდვის ობიექტის მიწოდება, შემდეგ მისამართზე: ქ.თბილისი, შიო ჩიტაძის ქ. №4.

6.4.2. საგარანტიო პერიოდის განმავლობაში (მიღება-ჩაბარების აქტის გაფორმებიდან 24 თვე) შესაბამისი შეტყობინებიდან (წერილი, ელ. ფ ან/და სხვა ელექტრონული საშუალებები) **5 (ხუთი) სამუშაო დღის** ვადაში საკუთარი ხარჯებით უზრუნველყოს შესყიდვის ობიექტის კონტროლის შედეგად გამოვლენილი ქარხნული დეფექტების აღმოფხვრა (შეაკეთოს ან შეცვალოს იგივე მახასიათებლების მქონე საქონლით). საგარანტიო პირობებით განსაზღვრული მოთხოვნები და ვალდებულებები ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა.

6.4.3. დაიცვას ხელშეკრულებით გათვალისწინებული ყველა სხვა პირობა.

6.5. მიმწოდებელს უფლება აქვს:

6.5.1. მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

7. ხელშეკრულების პირობების შესრულების კონტროლი

7.1. ხელშეკრულების პირობების შესრულებაზე კონტროლს განახორციელებს შემსყიდველი ორგანიზაციის მატერიალურ-ტექნიკური უზრუნველყოფის სამსახურის უფროსი (მეორადი სტრუქტურული ერთეულის ხელმძღვანელი) ედუარდ ალიკიანი და ინფორმაციული ტექნოლოგიების სამსახურის უფროსი (პირველადი სტრუქტურული ერთეულის ხელმძღვანელი) გიორგი ექიზაშვილი.

8. მხარეთა პასუხისმგებლობა ხელშეკრულების პირობების დარღვევისას

8.1. წინამდებარე ხელშეკრულების 6.4. პუნქტის 6.4.1. და 6.4.2. ქვეპუნქტებით გათვალისწინებული ვადების გადაცილების შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების **0.02 პროცენტის** ოდენობით.

8.2. იმ შემთხვევაში, თუ მიმწოდებელზე ამ მუხლის 8.1 პუნქტით გათვალისწინებული დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების **2 პროცენტს**,

შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

8.3. ხელშეკრულების სრულად ან ნაწილობრივ შესრულების შემთხვევაში, შემსყიდველი უფლებამოსილია მიმწოდებელს დააკისროს პირგასამტეხლო მიუწოდებელი შესყიდვის ობიექტის ღირებულების **10 პროცენტის** ოდენობით.

8.4. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9. ფორს-მაჟორული სიტუაციები

9.1. მხარეები პასუხისმგებელნი არ არიან თავიანთ ვალდებულებათა სრულად ან ნაწილობრივ შეუსრულებლობაზე, თუ ის გამოწვეულია ისეთი გარემოებებით, როგორიცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, რომლებიც უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, ხელისშემშლელ გარემოებათა აღმოფხვრის შემდეგ.

9.2. თუ ფორს-მაჟორული გარემოებების გამო სახელშეკრულებო ვალდებულებების მთლიანი ან ნაწილობრივი შეუსრულებლობა გრძელდება ორ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის მოთხოვნის უფლების გარეშე. მხარე, რომელსაც შეექმნა ფორს-მაჟორის გარემოება, დაუყოვნებლივ აცნობებს ამის შესახებ მეორე მხარეს.

10. ხელშეკრულების პირობების გადასინჯვა

10.1. ხელშეკრულებების პირობების შეცვლა დაუშვებელია, თუ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევაშიც ფასის ცვლილება დასაშვებია არაუმეტეს შესყიდვის ობიექტის ღირებულების **10 პროცენტისა**.

10.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება ხელშეკრულებაში შეიძლება შეტანილ იქნეს მხოლოდ წერილობითი ფორმით. ხელშეკრულების პირობების ნებისმიერ ცვლილებაზე უნდა გაფორმდეს შეთანხმება, რომელიც ჩაითვლება ხელშეკრულების განუყოფელ ნაწილად.

11. ხელშეკრულების მოქმედების ვადა

11.1. ხელშეკრულება ძალაშია მხარეთა მიერ მასზე ხელმოწერის დღიდან და მოქმედებს **2022 წლის 31 დეკემბრის** ჩათვლით.

12. დავა და მისი გადაწყვეტის წესი

12.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.

12.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვიტონ დავა, მაშინ ნებისმიერ მხარეს შეუძლია მიმართოს სასამართლოს კანონმდებლობით დადგენილი წესით.

13. სხვა პირობები

13.1. საკითხები, რომელიც არ არის გათვალისწინებული ამ ხელშეკრულებით, რეგულირდება საქართველოს კანონმდებლობით დადგენილი წესით.

13.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.4. ხელშეკრულება შედგენილია ქართულ ენაზე და დამოწმებულია კვალიფიციური ელექტრონული ხელმოწერით ან/და კვალიფიციური ელექტრონული შტამპით.

14. მხარეთა იურიდიული მისამართები და რეკვიზიტები, მხარეების წარმომადგენელთა ხელმოწერები, ბეჭედი

„შემსყიდველი“	„მიმწოდებელი“
საქართველოს საგარეო საქმეთა სამინისტრო მისამართი: ქ. თბილისი, შიო ჩიტაძის ქ. 4 ტელ: 294 50 00 ს/კ: №203836322 საბანკო რეკვიზიტები: მიმღების ბანკი - სახელმწიფო ხაზინა; ბანკის კოდი - TRESGE22 ვლადიმერ კონსტანტინიდი მინისტრის მოადგილე	შპს „ტელკო სისტემს“ მისამართი: ყაზბეგის ქ. 29ა ს/კ: 205203279 ტელ: +995192999; 597373388 ელ. ფოსტა: tamar@telco.ge საბანკო რეკვიზიტები: ბანკი: სს „თი ბი სი ბანკი“ ბ/კ: TBCBGE22 ანგ. ნომერი: GE75TB4021536020100006 ირაკლი გულიაშვილი დირექტორი



დანართი #1 ფასების ცხრილი

№	CPV კოდი	საქონლის დასახელება	წარმოშობის ქვეყანა, მწარმოებელი, მოდელი (ასეთის არსებობის შემთხვევაში)	განზომილე ბის ერთეული	რაოდენობა	გარანტია	მიწოდების ვადა	ერთეულის დირებულება	ჯამი
1	32552100	ტელეფონი / Cisco IP Phone 7821 with Multiplatform Phone firmware / CP-7821-3PCC-K9= /PoE15F/patchcord (ტელეფონის აპარატები კვების ბლოკთან ერთად)	წარმოშობის ქვეყანა:ჩინეთი. მწარმოებელი კომპანია: Cisco Systems, Inc. მოდელი: CP-7821-3PCC-K9	ცალი	20	24 თვე	ხელშეკრულების გაფორმებიდან 45 კალენდარული დღე	473	9460

შპს „ტელეკო სისტემის“ დირექტორი ირაკლი გულიაშვილი
ხელმძღვანელი /უფლებამოსილი პირის (თანამდებობა, სახელი/გვარი)

ელექტრონული ხელმოწერა ან/და შტამპი